

## Polasaí Dáileadh Leighis

### Scoil Náisiúnta Naomh Gobnait, Dún Chaoin

Ní mór do thuismitheoirí a chinntiú go gcuireann siad múinteoirí ar an eolas i scríbhinn maidir le haon fhadhb sláinte a fhulaingíonn a bpáiste. Ba cheart an t-eolas seo a thabhairt don scoil agus an páiste á c(h)lárú, nó a luaithe a thagann fadhb leighis chun cinn ina dhiaidh sin. Coimeádfar na foirmeacha seo i gcomhad an pháiste. **Muna gcuirtear aon eolas ar fáil don scoil glacfar leis nach bhfuil aon fhadhb sláinte ag páiste.**

Cé go bhfuil dualgas ar an mBord Bainistíochta maidir le Sláinte agus Sábháilteacht na bpáistí nuair atá siad ag glacadh páirte i ngníomhaíochtaí scoile, ní hionann sin agus a rá go bhfuil dualgas ar mhúinteoirí go pearsanta aon leigheas a dháileadh. Níl sé ceadaithe d'aon bhall foirne leigheas a dháileadh gan údarás an Bhoird Bhainistíochta. Ní féidir iachall a chur ar bhall foirne leigheas a dháileadh ar pháiste.

#### Aidhm an Pholasaí

- Chun freastal ar riachtanais na ndaltaí, a mbíonn gá acu le cógas leighis údaraithe i rith an lae scoile, de réir na gcleachtas is fearr
- Foireann na scoile a chosaint trí chinntiú go ndáiltear leigheas, de réir na gcleachtas is fearr.
- Ní choimeádfar agus ní dháilfear aon chógas leighis neamhúdaraithe ar scoil agus níl cead ag páistí iad a bheith ina seilbh ar scoil, ach an oiread. Ba chóir don dochtúir teaghlaigh am dáileadh leighis údaraithe a shocrú d'am lasmuigh d'uaireannta a chloig scoile, más féidir in aon chor é. Munar féidir leis an dochtúir am dáileadh leighis a bheith lasmuigh d'am scoile cuirfear fáilte roimh thuismitheoir/chaomhnóir, nó roimh duine ainmnithe acu, teacht chun na scoile chun an leigheas a dháileadh.
- Ní stóráilfear nó ní dháilfear cógas leighis údaraithe sa scoil, ach amháin do dhaltaí a bhfuil riochtaí sláinte ainsealacha acu, a d'fhéadfadh a mbeatha a chur i mbaol. **Dáilfear leigheas i gcás éigeandála, má tá socruithe cuí déanta i scríbhinn roimh ré idir na thuismitheoirí / caomhnóirí agus an Bord Bainistíochta agus go bhfuil ba(i)ll foirne ceaptha chun an leigheas a dháileadh / monatóireacht a dhéanamh ar fhéindháileadh leighis an pháiste.**

#### CÁSANNA ÉIGEANDÁLA:

Nuair atá riocht sláinte ainsealach ag páiste, a d'fhéadfadh a b(h)eatha a chur i mbaol, caithfidh na tuistí/caomhnóirí cead an Bhoird Bhainistíochta a lorg ar dtús agus treoracha

scríofa soiléire i gcás éigeandála a chur ar fáil, maidir le cad is féidir / nach féidir a dhéanamh, go háirithe maidir le haon ní a bheadh baolach don pháiste. Caithfidh tuistí/caomhnóirí slánaíocht a thabhairt don Bhord Bainistíochta / do bhaill foirne ceaptha maidir le haon dliteanas a thiocfadh as leigheas a dháileadh ar scoil. **I gcás éigeandála cuirfear fios ar chabhair phroifisiúnta / ar thuismitheoir/chaomhnóir a luaithe agus is féidir.**

### **AN PRÓISEAS CEADA:**

Scríobhann na tuistí / caomhnóirí chuig an mBord Bainistíochta ag lorg go dtabharfadh an Bord Bainistíochta an t-udaráis do bha(i)ll foirne an cógas leighis a dháileadh / monatóireacht a dhéanamh ar fháil dháileadh leighis an pháiste. Chun go mbeidh an Bord Bainistíochta ábalta an t-iarratas a scrúdú I gceart, ní mór do na tuistí/caomhnóirí na nithe seo a leanas a bheith curtha ar fáil i scríbhinn ina niarratas:

1. Ainm agus seoladh an pháiste
2. Ainm, seoladh agus uimhreacha teagmhála na dtuistí/gcaomhnóirí
3. Ainm agus uimhreacha teagmhála an dochtúra teaghlaigh
4. Ainm an Ríochta Sláinte
5. Ainm an Chógais Leighis
6. Treoracha maidir le stóráil an leighis. m.sh. i gcaibinéid sa seomra ranga a bhfuil glas air, san oifig nó I gcuisneoir sa seomra foirne etc.
7. Na cúinsí inar chóir an cógas leighis a thabhairt
8. An méid leighis gur gá a dháileadh
9. Treoracha faoin tslí gur chóir é a dháileadh – **(ba chóir go léireofaí an modh cuí d'fhoireann na scoile.)**
10. Dearbhú ceada
12. Síniú an Tuiste/Chaomhnóra

Tá sé de cheart ag an mBord Bainistíochta comhairle leighis scríofa a lorg ar dhochtúir an pháiste, m.sh. dearbhú ó thaobh an méid leighis a thabharfaí agus na cúinsí ina dtabharfaí é. Tar éis don Bhord Bainistíochta plé a dhéanamh ar an gcás, is féidir leo an t-udaráis a thabhairt do bhaill den fhoireann an leigheas a dháileadh / maoirseacht a dhéanamh ar fhéindháileadh an pháiste nó is féidir leo an téileamh ó thuiste/chaomhnóir maidir le leigheas a dháileadh a dhiúltú. Sa chás sin tá an fhreagracht ar an tuiste/gcaomhnóir socrúithe eile a dhéanamh.

### **Ball foirne:**

Sa chás go dtugann an Bord Bainistíochta an t-udaráis do bhall foirne cógas leighis a dháileadh tabharfar treoracha cuí dó/di. Tabharfaidh an ball foirne agus é/í ag dáileadh leighis an cúram céanna do pháiste agus a thabharfadh tuiste réasúnta ciallmhar. Má dháileann ball foirne ceaptha leigheas ar pháiste cuirfear na tuistí/caomhnóirí ar an eolas faoi trí ghlaoch teileafóin a dhéanamh agus / nó nóta a scríobh. Coimeádfar cuntas ar scoil den dáta/am gur tugadh an leigheas. Is faoin tuiste cóip de seo a lorg ar an scoil.

Bíonn sé tábhachtach uaireanta go mbíonn leigheas mar shampla \*‘análóirí’ le haghaidh **Asma**, ar fáil go héasca i rith an lae do pháiste. **Dá bhrí sin beidh páistí in ann ANÁLÓIR a stóráil ina mála féin, ar choinníol go bhfuil socrú i scríbhinn déanta roimh ré ag tuistí/caomhnóirí chuige seo, agus go bhfuil ainm an dalta scríofa air. Tabharfaidh na páistí an leigheas seo dó/di féin (más féidir), faoi mhairseacht an duine fhásta.**

### **Tuismitheoirí/Caomhnóirí**

- Sa chás go dtugann an Bord Bainistíochta cead leigheas a dháileadh tá an fhreagracht ar

- thuiste/chaomhnóir an méid is lú gur gá a thabhairt ar scoil agus ainm an pháiste agus na teoracha scríofa a bheith in éineacht leis.
- Tá an fhreagracht ar thuiste/chaomhnóir aon athrú i gcógas leighis an pháiste a chur in iúl láithreach bonn i scríbhinn don Bhord Bainistíochta agus athrú / cead a lorg orthu in athuir.
- Tá an fhreagracht ar thuiste/chaomhnóir féachaint chuige go bhfuil dóthain den leigheas cuí ar fáil agus nach bhfuil sé imithe as dáta. Ní mór dóibh leigheas atá imithe as dáta a thógaint abhaile leo chun fáil réidh leis go sábháilte.
- Tá an fhreagracht ar an tuiste/ar an gcaomhnóir a chur in iúl láithreach bonn i scríbhinn don Bhord muna bhfuil gá leigheas a dháileadh a thuilleadh, nó má tá a gcead á dtarrac siar acu. Tá an fhreagracht ar na tuistí/caomhnóirí iarratas nua a chur chuig an Bord Bainistíochta ag tús gach scoilbhliana, sa chás go bhfuil an páiste ar chógas leighis leanúnach

Dheimhnigh an Bord Bainistíochta an Polasaí seo ar an 3 / 02 / 2021

Déanfar athbhreithniú ar an bPolasaí seo de réir mar is gá.

Síniú an Chathaoirligh: \_\_\_\_\_ Dáta \_\_\_\_\_